

MAOTA O LE ALII SILI I MULINUU.

MULINUU, 10th Oketopa 1900.

O LE TUSI I TAITAI-ITU, FAAMASINO, MA PULE-NUU UMA O SAMOA.

Alii e,

Ua uma nei la mā talatalaga ma le Alii Kovana ua malamalama ai ia te a'u lona manao, o lea foi ua ou tusia atu ai lenei tusi ma nai fa'atonuga ua aofia mo outou, a seia iloga ona ua mae'a lelei o tulafono fou o lo'o fa'atali nei i ai. Ia outou onosai, pe a ua tuai atu ona fa'asalalauina o nā tulafono fou. O le faiga o Tulafono fou mo Samoa o se galuega lea e lē mafai ona faia vave, auā e tatau foi ona matuā filifili ma mafafau lelei i mataupu uma lava o le a tusia i na Tulafono Fou auā ma te taofi fa'atasi ma le Kovana, ia fa'avavau pea na tulafono fou, ae aua le toe fesuaia ni ona upu i lea aso ma lea aso. O nai fa'atonuga nei o le a sei outou mulimuli ai, ma se'i fai a'i a outou galuega mo nei aso.

1. A fai Fa'asala a Fa'amasino, e tatau lava ona ia alu sa'o ma le tonu. Ia fa'atatau lava ma le solitulafono ua faia.

O sala uma lava ia tuuina atu i le Taitai-Itu, na te tuuina atu i le Fa'amasino Sili, ai masina taitolu uma lava, na te avatua foi i le Fale Teutupe e fa'aoga tasi lava mo Samoa, ae le fa'aoga mo papalagi.

2. O le totogi o se fa'amasinoga ia fa'amamā lava, aua ne'i silia le \$2. 50. a o totogi o fa'amasinoga i mataupu fa'atauavaa ia fa'aititi foi ia tatau ma le mea na tagi ai.

Ia tusia i se Tusi Tele e le Failautusi ia le uiga o le tagi, ma le mau ua molia, ma fa'aiuga o suega uma a le Fa'amasino.

E lelei ona aua le fa'itoatasi e se Fa'amasino o suega, a ia latou faia faatasi pea ma ni faipule o le nuu, e taua o le au fa'atonu.

O le taofi lelei lenei o le Kovana, ua fa'aali tino ai lona fia fa'atumuina pea o le tu fa'a-Samoa moni.

Atai e le atoa le \$10. o le totogi o le mea na tagi ai, poo le fa'asala ua fai, ona mau pea lea o le fa'aiuga a le Fa'amasino. Ae afai ua silia le \$10. i le totogi o le mea na ala ai le tagi, poo le fa'asala ua fai, e mafai lava ona toe tagi atu o le tagata o se itu e le'i loto malie ai, i le iuga a lea Fa'amasino i le Alii Fa'amasino Sili Samoa.

Afai o se itu o le Fa'amasinoga ua taofi ua fa'aletonu le iuga a se Fa'amasino Samoa, ia fai sa latou talosaga i le Kovana, ina ia mafai ona toe sue o la latou tagi i luma o le Fa'amasino Kaisalika, ae afai ua talia e le Kovana lana talosaga, ona toe sueina lea ma ia toe fa'afogaina lea tagi e le Fa'amasino Kaisalika.

O le Tulafono tuai a Malietoa e uiga i Fa'aipoipoga o le a se'i fai a'i pea nei aso, a o le totogi foi o le \$3. sa fai a'i, ua tele foi nauā a o le a fa'atatau nei, ma toe fa'aititi ifo i lalo. O le totogi o fa'aipoipoga a tagata tamaoiga e Tasi le Talā, ae tau o le afatala le totogi o fa'aipoipoga a tagata matitiva, e mautinoa lava i le fa'atatau a le Fa'amasino.

O le Tatalaga o Fa'aipoipoga, poo ni misa ma maseiga a ulugalii, poo ni a latou maseiga ma ni o latou atiga, ia mua'i tau fa'alelei lava e le 'auaiga. Afai ua le maua ai se lelei ona latou fa'ato'a o lea i luma o le Fa'amasino. Ae afai foi latou te le loto-malilie uma ai i fa'aiuga a Fa'amasino, ona faitalia ai lea o i latou pe toe tagi atu i le Fa'amasinoga Sili mo le Tatalaga o Fa'aipoipoga i Mulinu, ua uma ona tofia i ai e le Kovana le Fa'amasino Sili ma ni Fa'amasino e tolu o se Itu-Malo o lata, ae le tofia i ai ni Fa'amasino o le Itu-malo o loo mau ai le ulugalii.

O le suega lava ma le totogi o le \$10. ona tuu lea o le \$4. ma le Fa'amasino Sili, ae tofu le Fa'amasino (2) ma le \$2.

3. E matuā leaga le tu fa'a-Samoa lena o le sā fa'alenuu ae aofia uma ai fua ia fanua taitoatasi o tagata.

Ua na o tulafono lava a le Malo Kaisalika e mafai ona a'u atu i fanua o tagata taitoatasi, ae maise fa'aiuga tatau o Fale Fa'amasinoga ua faia i ai ma le tonu.

O Taitai-Itu, Fa'amasino ma Pule-nuu e le mafai lava ona 'au atu i latou i oloa ma mea a tagata taitoatasi vagana le fa'atulafono. Ia faitalia lava le tagata ia o loo usiusitai i le Tulafono ma ana mea, poo ni ana tupe, poo sona niu, pua'a, poo sana moa, poo se tasi lava ana mea; auā e leai sa latou pule a i latou Taitai-Itu, Fa'amasino ma Pule-nuu e a'apa atu ai fua i oloa ma mea a tagata taitoatasi. Auā foi, a tele oloa a le tagata taitoatasi, ona atili ai lea o lona to'aga ma lona fiafia i ana mea uma.

4. E leai se tagata e mafai ona fa'asalaina, pe tuu i le fale puipui, vagana lava ona ua ia soli o se Tulafono o le Malo o lenei Kolone, e leai foi se sala poo le tuuina i le fale puipui e mafai ona fa'a'oo e se tasi, seiloga lava o le Fa'amasino.

5. Ia tuu saoloto le tagata Samoa faitalia ia poo ai a alu e faigaluega ai, faitalia foi ia ma lona totogi ua loto i ai o le a faigaluega a'i, ae leai se Taitai-Itu, Fa'amasino poo se Pule-nuu, poo se tasi lava e fa'alavelave atu i se tagata Samoa, pe fia lona totogi o le a galue a'i, a o ai e alu e faigaluega ai.

6. Ia teuteuina lelei ala o le Malo. Ia taumafai ona fa'asa'o lelei, ia teu ma ia fa'alagatasi. O ma'a tetele ia fulieseina, ma ia tanu uma pu ma mea omoomo solo. Ia 3 gata le lautele o ala o le Malo.

7. Ia fa'amamā ma teuteuina uma foi nuu ma a'ai.

Ua sā se tagata na te soona lafo ni otaota o fa'i pa'ua, 'ulu, poo mea 'ai o le a pala, poo ni mea faapena e tupu ai le mumu o le lago, poo atigi apa, poo ni atoato, poo se soona otaota leaga o le a pala, ne'i soona lato lava i le aai ma le vaifale, e lata ane i

Samoa, ma fa'atatau i le Kovana, ma ia mafai ona toe sue o ia latou tagi i luma o le Fa'amasino Kaisalika, ae afai ua talia e le Kovana lana talosaga, ona toe sueina lea ma ia toe fa'afogaina lea tagi e le Faamasino Kaisalika.

O le Tulafono tuai a Malietoa e tuga i Fa'aipoipoga o le a se'i fai a'i pea nei aso, a o le totogi foi o le \$3. sa fai a'i, ua tele foi nauā a o le a fa'atatau nei, ma toe fa'aitiiti ifo i lalo. O le totogi o fa'aipoipoga a tagata tamaoiga e Tasi le Talā, ae tau o le afafala le totogi o fa'aipoipoga a tagata matitiva, e mautinoa lava i le fa'atatau a le Faamasino.

O le Tatalaga o Fa'aipoipoga, poo ni misa ma maseiga a ulugalii, poo ni a latou maseiga ma ni o latou aiga, ia mua'i taufa'alelei lava e le 'auaiga. Afai ua le maua ai se lelei ona latou fa'ato'a o lea i luma o le Fa'amasino. Ae afai foi latou te le lotomalilie uma ai i fa'aiuga a Fa'amasino, ona faitalia ai lea o i latou pe toe tagi atu i le Fa'amasinoga Sili mo le Tatalaga o Fa'aipoipoga i Mulinu, ua uma ona tofia i ai e le Kovana le Fa'amasino Sili ma ni Fa'amasino e toalua o se Itu-Malo o lata, ae le tofia i ai ni Fa'amasino o le Itu-malo o loo mau ai le ulugalii.

O le suega lava ma le totogi o le \$10. ona tuu lea o le \$4. ma le Fa'amasino Sili, ae tofu le Fa'amasino (2) ma le \$2.

3. E matuā leaga le tu fa'a-Samoa lena o le sā fa'alenuu ae aofia uma ai fua ia fanua taitoatasi o tagata.

Ua na o tulafono lava a le Malo Kaisalika e mafai ona a'u atu i fanua o tagata taitoatasi, ae maise fa'aiuga tatau o Fale Fa'amasinoga ua faia i ai ma le tonu.

O Taitai-Itu, Fa'amasino ma Pule-nuu e le mafai lava ona 'au atu i latou i oloa ma mea a tagata taitoatasi vagana le fa'atulafono. Ia faitalia lava le tagata ia o loo usiusitai i le Tulafono ma ana mea, poo ni ana tupe, poo sona niu, pua'a, poo sana moa, poo se tasi lava ana mea; auā e leai sa latou pule a i latou Taitai-Itu, Fa'amasino ma Pule-nuu e a'apa atu ai fua i oloa ma mea a tagata taitoatasi. Auā foi, a tele oloa a le tagata taitoatasi, ona atili ai lea o lona to'aga ma lona fiafia i ana mea uma.

4. E leai se tagata e mafai ona fa'asalaina, pe tuu i le fale puipui, vagana lava ona ua ia soli o se Tulafono o le Malo o lenei Kolone, e leai foi se sala poo le tuuina i le fale puipui e mafai ona fa'aoo e se tasi, seiloga lava o le Fa'amasino.

5. Ia tuu saoloto le tagata Samoa faitalia ia poo ai a alu e faigaluega ai, faitalia foi ia ma lona totogi ua loto i ai o le a faigaluega a'i, ae leai se Taitai-Itu, Faamasino poo se Pule-nuu, poo se tasi lava e fa'alavelave atu i se tagata Samoa, pe fia lona totogi o le a galue a'i, a o ai e alu e faigaluega ai.

6. Ia teuteuina lelei ala o le Malo. Ia taumafai ona fa'asa'o lelei, ia teu ma ia ta'alaugatasi. O ma'a tetele ia fulieseina, ma ia tauu uma pu ma mea omoomo solo. Ia 3 gata le lautele o ala o le Malo.

7. Ia fa'amamā ma teuteuina uma foi nuu ma a'ai.

Ua sā se tagata na te soona lafo ni otaota o fa'i pa'ua, 'ulu, poo mea 'ai o le a pala, poo ni mea faapena e tupu ai le mumu o le lago, poo atigi apa, poo ni atoato, poo se soona otaota leaga o le a pala, ne'i soona lato lava i le aai ma le vaifale, e lata ane i ai i le mea o mau ai tagata.

O otaota uma faapena ia lato lava i le sami, pe a pē atu le tai, pe susuuina.

8. O i latou nā o loo fai o latou fanua ma togāulu i le a'ai pe o mau ma aumau i fanua i le a'ai o i ai ni togāulu, ia latou tausi lelei uma i ai ma ave ese ulu pē o ta'atia ai i lalo o le togāulu.

9. Aua le fa'ata'aloaina pua'a i vaifale i le 'a'ai. Ia lotoaina pua'a i gauta o 'a'ai.

10. Afai ae solia e se tasi nei Tulafono, ua tusia i mataupu e 6 7 8 9 o le a fa'asalaina e amata mai i le seleni pau mai i le Talā \$1. 00. A silia le sala fa'atolu o le tagata i le masina e tasi, ona avatua lea o lona igoa i le Kovana.

E faitalia le Kovana ma le fa'atatau o sala mó le solitulafono ua tusia i mataupu

1 2 3 4 5.

11. O Alii tofia uma o le Malo faa-Samoa ia latou silafia lelei e lē sosopo atu la latou pule i papalagi ma a latou tagata atunuu ua na o tagata Samoa lava ma isi tagata atunuu e i lalo o la latou pule.

Ia outou Soifua.

Ua tonu ia te a'u.

SOLF.

Kovana Kaisalika.

O lo outou Matai moni.

O MATAAFA.

Le Alii Sili.